



Bosnia and Herzegovina
Federation of Bosnia and Herzegovina

CANTON SARAJEVO
Ministry for Science, Higher Education and Youth

Broj: 27/03-01-04-3621-24.1/23
Sarajevo, 17.2.2023. godine

SKUPŠTINA KANTONA SARAJEVO
- Ovdje -

PREDMET: Odgovor na zastupničko pitanje zastupnika u Skupštini Kantona Sarajevo
Damira Marjanovića, *dostavlja se*
- Veza Vaš akt, broj: 01-04-3621-24/23 od 08.02.2023. godine –

Na sjednici Skupštine Kantona Sarajevo održanoj dana 08.02.2023. godine, u okviru tačke Dnevnog reda „Poslanička/zastupnička pitanja, inicijative i odgovori“, zastupnik u Skupštini Kantona Sarajevo Damir Marjanović postavio je sljedeće zastupničko pitanje:

PITANJE:

„Molim Vas da nam pružite informaciju da li su Vlada Kantona Sarajevo i resorno ministarstvo upoznati sa činjenicom i problemima sa kojima se susreću studenti Američkog univerziteta i da li je pokrenulo određene aktivnosti u cilju rješavanja njihovog statusa?“

ODGOVOR:

Američki univerzitet BiH nije registrovan kao visokoškolska ustanova u Kantonu Sarajevu, odnosno nema dozvolu za obavljanje djelatnosti visokog obrazovanja na području Kantona Sarajevo.

Ministarstvo je od samoga početka rada upoznato sa problemom studenata ovoga univerziteta i održalo je sastanke sa tim studentima, pa čak i sa advokatskim timom iz Tuzle koji su zastupnici studenata u postupku koji se vodi pred sudom. Također, smo stupili u kontakt i sa Ministarstvom obrazovanja Tuzlanskog kantona, u kojem kantonu je registrovan ovaj univerzitet.

Uzimajući u obzir činjenicu da je u toku sudski postupak te da Američki univerzitet nije registrovan na području Kantona Sarajevo, ističemo da Ministarstvo nije u mogućnosti poduzeti konkretne i odlučujuće aktivnosti vezane za rješavanje ovog slučaja.

Na području Kantona Sarajevo Američki univerzitet u Bosni i Hercegovini se pojavljuje samo kao osnivač „Američke škole za ekonomiju“.

Također, napominjemo da je Ministarstvo zaprimilo obavještenje Agencije za razvoj visokog obrazovanja i osiguranje kvaliteta/kvalitete Bosne i Hercegovine, kojim nas obavještava da je Visokoj školi „Američka škola za ekonomiju“ istekla akreditacija, a koja joj je dodijeljena Rješenjem Ministarstva za obrazovanje, nauku i mlade Kantona Sarajevo te da je Ministarstvo u skladu sa nadležnostima poduzelo aktivnosti vezano za ovu visoku školu.

S poštovanjem,

MINISTAR

Prof. dr. Aleksandra Nikolić

Dostaviti:
- Naslovu;
- a/a.

